

Ыджыд Вермөм

Сюрс өкмыссё нелямын өтиөд лунө миян му вылө уськөдчисны фашистяс, юрнуөдысьнас налөн вөлі Гитлер. Тайө тышыс миян пөль – пөч олөмын вөлі медся сьökыд каднас, коді кыссис нель во чөж.

Сэки пөль – пөчяс миянөс дорйисны, кызди вермисны тышкасисны лёк йөзыкөд. Налы вөлі зэв сьökыд тайө тышсө нуөдны. Кымын миян йөз куліс, сэки өд и сёйнысө вөлі нинөм...

Ме со некызди ог вермы гөгөрвоны, мыйла тайө либө мөд тышыс колө мортислы, позьө жө өд өтсөгласөн овны. Не виявны, не пленө босьтны, а прөстө сьывны да овны!

Таво тырис сизимдас вит во Ыджыд тышын Вермөмсянь. Быд во чукөртчылөны казьтылан пас дорө вермысьяс. Дерт, зэв нин этшаөн найө колисны ловьяөн, но өд и ми ог вунөдөй тайө вир кисьтана тыш йывсьыс. Быд во ода-кора төлысся өкмысөд лунө ми казьтывлам 1945 вося Ыджыд вермөм. Тайө лунас быд сикт – грездын, быд кар – посёлокын нуөдөны Парадьяс, дасьтөны концертяс, казьтылөны ставнысө, кодьяс дорисны миянлы Ыджыд Вермөмсө. Быдлаын өзтөны куслытөм бияс сы могысь, медым ми некор эг вунөдөй тайө ыджыд тышсө, став лёксө, мый сэки вөлі.

Ме ог көсйы, медым миян му шар вылын вөлі бара на кутшөмкө тыш, мед кыссис вир, вөлі лёк олөм. Та понда и казьтывлам усьөм салдатяссө, кодьяс сетисны олөмнысө, медым ми өні да водзө олім бура да некодись повтөг. А сідзкө миянлы аслынымлы колө видзны чужан мунымөс, выннимөс да эбөснимөс жалиттөг дорйыны сійөс быд вөрөгысь.

Кор ме быдма, муна служитны армияө, медым кужны видзны ассьым чужан муөс. Öд сөмын миян сайын тыр бур аския олөмным. Ме чайта да, ставныс көсйөны, мед миян өнія олөмын өтарө вөлі бур да дзоньвидза олөм. Мед некутшөм тыш некөн эз вөв! Вайөй кутам овны ставным өтсөгласөн!